



Zechus apud Croatos haud obscuris parentibus natus, non immeritò in magna existimatione fuit. erat enim insigni corporis & animi fortitudine præditus. Dum aut̃ cum principe uiroites intercessissent, atq; ipse eundē interfecisset, ob aduersariorū potentiam iudicū sententiam timens de fuga cogitare cœpit. Accidit autē commode ut Adalgerus Boiorum dux cum suis Bohemiam patriam ob Hunnorum & Gothorum incursiones reliquissent, atque uersus Meridiem profecti ad Danubium confedissent. Itaq; Zechus communicato cum fratre Lecho atque alijs amicis consilio, quan-

ta manu potuere in Bohemiam tenderunt, atq; eam inhabitare cœperunt, iuxta montē Chezip. Terra adhuc inculta ferè erat. Nam prisca Germani pastorem uitam agentes agrorum culturam neglexerant, ac alimoniam ex pecoribus traxerant. Itaq; domesticum in Carris tollentes instrumentum, quocumq; fors tulit cum suis armentis conuertebantur. Verùm Zechus qui apud Dalmatas rerum usum perceperat, regionem ædificijs exornare, habitatores legibus coërcere, atq; terram colere statuit. Id cum Lechus frater intellexisset, æmulatione quadam ductus, uersus Orientem profectus est, & in magna camporum planicie, quæ Polle dicebatur, confedit: Vnde Polonia regio postea appellata. Accidit id circa annū Christi quingentesimum. Hoc modo factum ut Bohemia & Polonia regna duo florentissima à duobus fratribus constituerentur.